

Beskriving av prosjektet.

Området som skal byggjast ut er i dag prega av forfall og restar etter ferjekai som vart lagt ned på 1990-talet. Det er ein kommunal flytekai for småbåtar plassert på området. Kaien ligg om 40-50 meter frå butikklokala til Joker Stamnes. Sjå elles bilete og vedlagde omtale i slutten av dette dokumentet.

Joker Stamnes er avhengig av hyttefolk og turistar for å ha omsetnad som gjev positive resultat. Det største hyttefeltet i Stamnes (ca. 40 hytter) ligg ved sjøen og dei fleste av desse nyttar fritidsbåtar når dei er på hyttene. Dei fortel at dei saknar å kunna fylla drivstoff direkte om bord i båtane sine. Dei gjev også uttrykk for at det er svært lite tiltalande å oppsøkja Stamnes sentrum med båtane sine slik som området ser ut i dag.

Trafikken med fritidsbåtar på fjorden er aukande i sommarhalvåret. Etter planen skulle det setjast i gong med turistsbåt frå Stamnes til Bolstad sommaren 2020. Covid-19 sette ein stoppar for dette, men dette skal takast opp att når unntakstida vår er over. I promoteringa av dette opplegget vert det omtalt som eit fullgodt alternativ til «Norway in a nutshell» med nærleik til Bergen (sjå kart i slutten av dokumentet).

Stamnes Handel AS ser det som naudsynt å gjera tilkomst til butikken, gje tilbod om tilgong til drivstoff og å gjera området tiltalande for å ha ei lønsam drift på Jokeren i framtida. På lengre sikt vil me gjerne også utvida drifta ved butikken med andre tilbod, eksempelvis enkel servering i tilknytning til drifta. Dersom dette skal lata seg realisera, så er utbygging av kaiområdet ein føresetnad. I framtida ynskjer me at butikken og området rundt skal stå fram som ein attraktiv, moderne stad med eit utvida tilbod både for lokalbefolkninga og for tilreisande. Etter vårt syn vil denne utbygginga, saman med eit moderne drivstoffanlegg gjeva Joker Stamnes ei tryggare økonomisk framtid.

Vaksdal kommune og Stamnes bygdalag vil delta i finansieringa av kaianlegget i samsvar med budsjettet.

Biletet nedanfor viser det aktuelle området. Butikklokala til Joker Stamnes er den beige bygningen i bakgrunnen. Eigaren av sjøbua på biletet er begynt på arbeidet med å restaurera denne. Erfaring frå tidlegare restaureringsarbeid som han har utført, tilseier at dette vil verta eit flott bygg. Restane etter ferjekaien vil forsvinna i samband med den planlagde utbygginga.

